



Gwasanaeth Carchardai
a Phrawf EM

Cwestiynau Cyffredin

Hydref 2018

Cynnwys

Beth yw ymgyrch haeddiant?	1
Beth yw ymgyrch basio?	1
Beth fydd fy oriau gwaith?	1
Beth fydd fy nghyflog?	1
Pa fuddion sydd gen i hawl iddynt fel swyddog carchar?	2
Cynllun pensiwn	2
Gwyliau blynyddol	2
Gwyliau banc, cyhoeddus a braint	2
Cydbwysedd bywyd a gwaith	2
Benthyciad tocyn tymor	2
Cynllun beicio i'r gwaith	2
Disgowntiau arbennig	3
Rhaglen cymorth i weithwyr	3
GAYE – Rhoi drwy gyflog	3
Cymdeithas Chwaraeon y Gwasanaeth Carchardai (PSSA)	3
Pa gymwysterau sydd eu hangen arnaf?	3
Beth sy'n digwydd pan fyddaf yn ymgeisio?	3
Ar beth y byddaf yn cael fy asesu yn ystod fy nghais?	4
Beth y mae'r profion ar-lein yn ei gynnwys?	6
Beth sy'n digwydd yn y Ganolfan Asesu a Recriwtio (ARC)?	6
Beth sydd angen i mi ei wneud i baratoi am y profion ffitrwydd?	7
Pa hyfforddiant y byddaf yn ei gael?	7
Beth fydd y cwrs Hyfforddiant Lefel Mynediad i Swyddogion Carchar yn ei gynnwys?	
Error! Bookmark not defined.	
A oes raid i mi wisgo gwisg unffurf?	7

Beth yw ymgyrch haeddiant?

Ymgyrch haeddiant: Bydd ymgeiswyr yn cael eu penodi i swydd wag yn nhrefn haeddiant, ar sail eu perfformiad yn yr ARC. Bydd hyn yn golygu na fydd unrhyw ymgeisydd yn cael cynnig swydd wag hyd nes y bydd yr ymgeiswyr i gyd wedi cwblhau'r ARC neu erbyn dyddiad cau asesiadau'r ymgyrch, sy'n rhedeg am 8 wythnos ar ôl dyddiad cau'r ymgyrch. Unwaith y bydd swydd wag wedi ei chynnig i chi, fe gynhelir yr archwiliadau cyn-gyflogaeth.

Beth yw ymgyrch basio?

Ymgyrch basio: Byddwch yn cael eich penodi i'r swydd wag nesaf a ddaw ar gael ac fe gynhelir yr archwiliadau cyn-gyflogaeth.

Beth fydd fy oriau gwaith?

Gall swyddogion carchar ddewis gweithio wythnos 37, 39 neu 41 awr. Mae angen goruchwyllo ein carchardai 24/7 felly byddwch yn gweithio ar sail patrwm sifftiau fydd fel arfer dros 39 awr yr wythnos, fydd yn cynnwys rhai sifftiau nos, penwythnos a gwyliau cyhoeddus a banc (bydd unrhyw wyliau banc a chyhoeddus a weithiwch yn cael eu hychwanegu at eich gwyliau blyneddol - mwy o fanylion isod).

Bydd eich cyflog yn dibynnu ar faint o oriau y byddwch yn gweithio. Bydd gennych gyfle i weithio goramser mewn rhai amgylchiadau.

Mae opsiynau cydbwysedd bywyd a gwaith, fel oriau rhan amser a rhannu swydd, hefyd ar gael ar ôl i chi gwblhau eich cwrs POELT 10 wythnos llawn amser a'ch cyfnod cynefino.

Beth fydd fy nghyflog?

Dylech ddarllen yr hysbyseb swydd am fanylion cyflog ar gyfer y sefydliad sydd gennych mewn golwg.

Mae'r oriau sifft arferol i swyddogion carchar yn seiliedig ar wythnos waith o 39 awr a hysbysebir y cyflog ar y sail yma. I ddechrau byddwch ar contract 37 awr hyd nes y

byddwch wedi cwblhau'r POELT ac yna gallwch ddewis gweithio rhwng 37 a 41 awr yr wythnos.

Bydd gennych hawl i ystod eang o fuddion. Mwy o fanylion am y rhain isod.

Pa fuddion sydd gen i hawl iddynt fel swyddog carchar?

Cynllun pensiwn

Mae staff yn cael eu cofrestru'n awtomatig ar Gynllun Pensiwn y Gwasanaeth Sifil. Os dewiswch ymuno â'r cynllun hwn, gallwch wneud cyfraniad cyfartalog o 5.45% o'ch cyflog gan ddibynnu ar eich enillion a byddwn ni fel cyflogwr yn gwneud cyfraniad cyfartalog o 18%. <http://www.civilservicepensionscheme.org.uk/>

Gwyliau blynyddol

Bydd gennych wyliau blynyddol yn dechrau ar 25 diwrnod y flwyddyn gan godi i 30 diwrnod y flwyddyn ar ôl 10 mlynedd o wasanaeth.

Gwyliau banc, cyhoeddus a braint

Mae carchardai'n rhedeg 24/7 a bydd disgwyl i chi weithio ar rai gwyliau banc a chyhoeddus. Fodd bynnag byddwn yn ychwanegu unrhyw wyliau cyhoeddus y byddwch yn eu gweithio at eich gwyliau blynyddol.

Cydbwysedd bywyd a gwaith

Mae'r Gwasanaeth Carchardai'n awyddus i annog trefniadau gweithio hyblyg. Mae cydbwysedd bywyd a gwaith yn rhoi mwy o gyfle i staff weithio'n fwy hyblyg os yw'n bosib i reolwyr a sefydliadau wneud trefniadau i ganiatáu hynny. Mae ceisiadau i weithio'n hyblyg yn amodol ar gwblhau eich cwrs POELT 10 wythnos, sy'n rhaid ei gwblhau'n llawn amser.

Benthyciad tocyn tymor

Gallwch fenthyc cost eich tocyn tymor blynyddol ar gyfer teithio i'r gwaith yn ddi-log, a'i dalu'n ôl dros y 12 mis canlynol.

Cynllun beicio i'r gwaith

Gallwch hefyd gymryd rhan yn y cynllun Beicio i'r Gwaith ac arbed rhwng 30%-40% ar y gost o brynu beic ac ategolion beic drwy dynnu'r ad-daliadau misol cyn i dreth ac yswiriant gwladol gael eu tynnu o'ch cyflog.

Disgowntiau arbennig

Cynigiwn ystod o wahanol ddisgowntiau ar gyfer nifer o fusnesau ar draws y DU. Gallwch arbed ar siopa mewn archfarchnadoedd, siopau stryd fawr ac wrth siopa ar-lein.

Rhaglen cymorth i weithwyr

Mae gan yr holl staff fynediad at ein Rhaglen Cymorth i Weithwyr sy'n rhoi cyngor a chymorth annibynnol, am ddim a chwbl gyfrinachol dros y ffôn 24/7.

GAYE – Rhoi drwy gyflog

Rhodddwn gyfle i chi roi arian i achosion da bob mis, yn uniongyrchol drwy eich cyflog, fel bod staff yn gallu elwa o arbedion treth.

Cymdeithas Chwaraeon y Gwasanaeth Carchardai (PSSA)

Cymdeithas Aelodaeth yw'r PSSA sydd ar agor i'r holl staff sy'n gweithio yn y gwasanaeth carchardai, gan gynnwys rhai ar gontract neu yn y sectorau Addysg a Gofal Iechyd ayyb. Gallwch ymuno â'r gymdeithas am ffi fisol fach.

Mae'r digwyddiadau'n cynnwys twrnameintiau chwaraeon, Parth Sgïo, Diwrnod Sba, Saethu Colomennod Clai, Treial Velodrome, Tri Chopa, Rafftio Dŵr Gwyn a llawer mwy.

Mae'r PSSA yn gymdeithas wych i roi cyfle i chi gyfarfod cydweithwyr, gwneud ffrindiau a chynnwys eich teulu.

Pa gymwysterau sydd eu hangen arnaf?

Nid oes angen unrhyw gymwysterau penodol ar gyfer y rôl hon. Mae gennym lawer mwy o ddiddordeb yn eich galluedd, ymddygiadau, cryfderau ac addasrwydd ar gyfer y swydd.

Beth sy'n digwydd pan fyddaf yn ymgeisio?

Unwaith y byddwch wedi ymgeisio, bydd angen i chi basio dau brawf ar-lein: Prawf Senario sy'n ymwneud ag ystod o wahanol sefyllfaoedd y gallech eu hwynebu wrth

weithio mewn carchar; a Phrawf Rhifedd. Mae'r profion hyn yn profi bod gennych y sgiliau crebwyll a rhifedd sylfaenol i fod yn swyddog carchar.

Os byddwch yn pasio'r profion ar-lein, byddwn yn eich gwahodd i fynychu Canolfan Asesu a Recriwtio (ARC). Mae gan yr ARC chwe elfen y bydd angen i chi eu pasio i symud ymlaen gyda'ch cais.

Os byddwch yn pasio ein canolfan ARC, bydd y cam nesaf yn dibynnu a wnaethoch ymgeisio ar gyfer ymgyrch basio neu haeddiant.

- **Ymgyrch basio:** Byddwch yn cael eich penodi i'r swydd wag nesaf a ddaw ar gael ac fe gynhelir yr archwiliadau cyn-gyflogaeth.
- **Ymgyrch haeddiant:** Bydd ymgeiswyr yn cael eu penodi i swydd wag yn nhrefn haeddiant, ar sail eu perfformiad yn yr ARC. Bydd hyn yn golygu na fydd unrhyw ymgeisydd yn cael cynnig swydd wag hyd nes y bydd yr ymgeiswyr i gyd wedi cwblhau'r ARC neu erbyn dyddiad cau asesiadau'r ymgyrch, sy'n rhedeg am 8 wythnos ar ôl dyddiad cau'r ymgyrch. Unwaith y bydd swydd wag wedi ei chynnig i chi, fe gynhelir yr archwiliadau cyn-gyflogaeth.

Yn ystod y cyfnod archwiliadau cyn-gyflogaeth, efallai y cynigiwn daith o gwmpas carchar i ddangos i chi sut beth fyddai gweithio mewn carchar cyn i ddechrau yn eich rôl.

Gall y broses fetio gymryd tua thri mis. Unwaith y byddwch wedi pasio, byddwn yn eich cofrestru ar gwrs hyfforddiant lefel mynediad i swyddogion carchar (POELT). Ar yr amod eich bod yn pasio eich cwrs POELT byddwch yn dechrau gweithio yn y carchar sydd wedi'i ddyrannu i chi.

Gallai'r broses gyfan o ymgeisio i ddechrau yn eich rôl fel swyddog carchar gymryd o leiaf 10 wythnos.

Ar beth y byddaf yn cael fy asesu yn ystod fy nghais?

Bydd y broses asesu'n eich profi yn erbyn gwahanol sgiliau, ymddygiadau a chryfderau a ddangoswyd i fod yn bwysig ar gyfer rôl swyddog carchar. Bydd hefyd angen i chi basio'r safon ffitrwydd angenrheidiol. Byddwch yn cael eich asesu mewn nifer o wahanol ffyrdd drwy gydol y broses.

Cam 1 – Profion Ar-lein

Rhaid i bob ymgeisydd basio dau brawf ar-lein: Prawf Senario sy'n ymwneud ag ystod o wahanol sefyllfaoedd y gallech eu hwynebu wrth weithio mewn carchar; a Phrawf

Rhifedd. Mae'r profion hyn yn profi bod gennych y sgiliau crebwyll a rhifedd sylfaenol i fod yn swyddog carchar.

Rhoddir mwy o fanylion a chwestiynau enghreifftiol yma:

<https://prisonandprobationjobs.gov.uk/prison-officer/tips-for-applying/>

Cam 2 – Canolfan Asesu a Recriwtio (ARC)

Os byddwch yn pasio Cam 1, byddwn yn eich gwahodd i fynychu Canolfan Asesu a Recriwtio (ARC). Rhoddir mwy o fanylion am y ganolfan ARC yma:

<https://prisonandprobationjobs.gov.uk/prison-officer/tips-for-applying/>

Mae'r ARC yn profi a oes gennych y galluoedd, ymddygiadau, cryfderau a'r ffitrwydd i wneud y gwaith. Mae gan yr ARC chwe elfen y bydd angen i chi eu pasio i symud ymlaen gyda'ch cais:

- **Prawf Rhifedd**
Bydd y prawf byr hwn yn cadarnhau a oes gennych y sgiliau rhifedd sylfaenol sydd eu hangen i gyflawni eich dyletswyddau fel swyddog carchar. Bydd y pethau y profir chi arnynt yn rhai y cawsoch eich asesu arnynt yn flaenorol yn y Prawf Rhifedd ar-lein.
- **Prawf Saesneg**
Bydd hwn yn profi eich gallu ysgrifenedig ac yn asesu a allwch ddefnyddio ffynonellau gwybodaeth ysgrifenedig i wneud penderfyniadau effeithiol. Rydym yn chwilio am rywun gyda llawysgrifen glir a darllenadwy ac sy'n gallu ysgrifennu mewn brawddegau sy'n dangos dealltwriaeth resymol o ramadeg. Bydd angen i chi gymryd gwybodaeth o wahanol ffynonellau a'i chrynhai mewn fformat ysgrifenedig.
- **Chwarae Rôl**
Byddwch yn cael eich asesu ar ddau brawf chwarae rôl 10 munud. Bydd y rhain yn gofyn i chi chwarae rôl swyddog carchar sy'n rhyngweithio â charcharor mewn gwahanol sefyllfaoedd. Maen nhw'n seiliedig ar senarios y gallech yn hawdd eu hwynebu wrth weithio mewn carchar.
Nid oes angen i chi wybod dim ymlaen llaw am rôl y swyddog carchar i basio. Byddwch hefyd yn cael eich asesu ar eich gallu i siarad a deall Saesneg rhugl.
- **Cyfweliad**
Mae'r cyfweliad 30 munud yn seiliedig ar gryfderau gyda ffocws ar eich cymhelliad a beth sy'n eich argyhoeddi. Bydd ystod o gwestiynau yn eich asesu yn erbyn nifer o gryfderau a ddangoswyd i fod yn bwysig ar gyfer rôl y swyddog carchar. Byddwch hefyd yn cael eich asesu ar eich gallu i siarad a deall Saesneg rhugl.
- **Asesiad Meddygol**
Bydd angen i chi gael asesiad meddygol, wedi'i gynnal gan nyrs hyfforddedig, i gadarnhau y gallwch gymryd rhan yn ddiogel ym mhrawf ffitrwydd yr ARC. Bydd yr asesiad yn cynnwys prawf golwg a sgrinio iechyd sylfaenol (gan gynnwys gwirio eich pwysedd gwaed).
- **Prawf Ffitrwydd**
Os pasiwch eich asesiad meddygol, byddwn yn profi eich dygnwch – gyda phrawf blîp i amseru rhedeg rhwng dau bwynt, a'ch sioncrwydd – yn defnyddio rhediad gwennol.

Byddwn hefyd yn profi cryfder rhan uchaf eich corff i weld a allwch ddal tarian reiat 7kg a gafael mewn darn o gyfarpar.

Beth y mae'r profion ar-lein yn ei gynnwys?

- Defnyddiwn y Profion Senario i asesu a allwch farnu pa mor effeithiol fyddai camau y gallech eu cymryd mewn ymateb i senarios y gallech yn hawdd eu hwynebu wrth weithio mewn carchar.
- Defnyddiwn y Prawf Rhifedd i asesu a allwch weithio gyda gwybodaeth rifyddol mewn sefyllfaoedd y gallech yn hawdd eu hwynebu wrth weithio mewn carchar.
- Rhoddir mwy o fanylion am y profion ar-lein yma:
<https://prisonandprobationjobs.gov.uk/prison-officer/tips-for-applying/>

Beth sy'n digwydd yn y Ganolfan Asesu a Recriwtio (ARC)?

Mae'r Ganolfan Asesu a Recriwtio (ARC) yn profi a oes gennych y galluoedd, ymddygiadau, cryfderau a'r ffitrwydd i wneud y gwaith.

- **Prawf Rhifedd**
Bydd y prawf byr hwn yn cadarnhau a oes gennych y sgiliau rhifedd sylfaenol sydd eu hangen i gyflawni eich dyletswyddau fel swyddog carchar. Bydd y pethau y profir chi arnynt yn rhai y cawsoch eich asesu arnynt yn flaenorol yn y Prawf Rhifedd ar-lein.
- **Prawf Saesneg**
Bydd hwn yn profi eich gallu ysgrifenedig ac yn asesu a allwch ddefnyddio ffynonellau gwybodaeth ysgrifenedig i wneud penderfyniadau effeithiol. Rydym yn chwilio am rywun gyda llawysgrifen glir a darllenadwy ac sy'n gallu ysgrifennu mewn brawddegau sy'n dangos dealltwriaeth resymol o ramadeg. Bydd angen i chi gymryd gwybodaeth o wahanol ffynonellau a'i chrynhai mewn fformat ysgrifenedig.
- **Chwarae Rôl**
Byddwch yn cael eich asesu ar ddau brawf chwarae rôl 10 munud. Bydd y rhain yn gofyn i chi chwarae rôl swyddog carchar sy'n rhyngweithio â charcharor mewn gwahanol sefyllfaoedd. Maent yn seiliedig ar senarios y gallech yn hawdd eu hwynebu wrth weithio mewn carchar.
Nid oes angen i chi wybod dim ymlaen llaw am rôl swyddog carchar i basio.
Byddwch hefyd yn cael eich asesu ar eich gallu i siarad a deall Saesneg rhugl.

- **Cyfweliad**

Mae'r cyfweliad 30 munud yn seiliedig ar gryfderau gyda ffocws ar eich cymhelliad a beth sy'n eich argyhoeddi. Bydd ystod o gwestiynau yn eich asesu yn erbyn nifer o gryfderau a ddangoswyd i fod yn bwysig ar gyfer rôl swyddog carchar. Byddwch hefyd yn cael eich asesu ar eich gallu i siarad a deall Saesneg rhugl.

- **Asesiad Meddygol**

Bydd angen i chi gael asesiad meddygol, wedi'i gynnal gan nyrs hyfforddedig, i gadarnhau y gallwch gymryd rhan yn ddiogel ym mhrawf ffitrwydd yr ARC. Bydd yr asesiad yn cynnwys prawf golwg a sgrinio iechyd sylfaenol (gan gynnwys gwirio eich pwysedd gwaed).

Prawf Ffitrwydd

Os pasiwch eich asesiad meddygol, byddwn yn profi eich dygnwch – gyda phrawf blîp i amseru rhedeg rhwng dau bwynt, a'ch sioncrwydd – yn defnyddio rhediad gwennol. Byddwn hefyd yn profi cryfder rhan uchaf eich corff i weld a allwch ddal tarian reiat 7kg a gafael mewn darn o gyfarpar.

Os pasiwch y profion ar-lein, byddwn yn rhoi gwybodaeth ychwanegol am yr ARC i chi a sut i baratoi.

Beth sydd angen i mi ei wneud i baratoi am y profion ffitrwydd?

Byddwch yn cael prawf stamina neu ddygnwch – gyda phrawf blîp i amseru rhedeg rhwng dau bwynt, a phrawf sioncrwydd – yn defnyddio rhediad gwennol. Byddwn hefyd yn profi cryfder rhan uchaf eich corff i weld a allwch ddal tarian reiat 7kg a gafael mewn darn o gyfarpar.

Os pasiwch y profion ar-lein, byddwn yn rhoi gwybodaeth ychwanegol am yr ARC i chi a sut i baratoi.

Pa hyfforddiant y byddaf yn ei gael?

'Bydd y Diploma Lefel 3 mewn Gofal yn y Ddalfa yn disodli'r cwrs 10 wythnos cyfredol, sef y cwrs hyfforddiant sylfaenol i Swyddogion Carchar (POELT), o fis Ebrill 2020. Bydd y diploma yn cynnwys o leiaf 12 mis o ddysgu a byddwch yn ennill cymhwyster lefel 3, a roddir gan Skills for Justice.

Bydd y rhaglen yn cynnwys:

Cyfnod cynefino o bythefnos yn y sefydliad lle byddwch chi'n gweithio 9 wythnos o hyfforddiant sylyfaenol yn y Ganolfan Dysgu a Datblygu. Dysgu o fewn y sefydliad ar gyfer gweddill y cwrs.

Yn ystod y cyfnod o ddysgu o fewn y sefydliad, bydd yna 'checkpoint', lle byddwch yn treulio wythnos yn eich sefydliad ac wythnos mewn Canolfan Dysgu a Datblygu.

Sut bydd y diploma yn eich paratoi i fod yn swyddog carchar?

Bydd y diploma yn datblygu'r holl wybodaeth, sgiliau ac ymddygiadau sydd eu hangen ichi fod yn Swyddog Carchar hyderus. Byddwch yn cwblhau hyfforddiant yn y dosbarth ac ar-lein ynghyd â chael eich hyfforddi wrth ichi weithio yn eich swydd, fel eich bod yn cael ymarfer a gwella eich sgiliau gyda cymorth a chefnogaeth eich cydweithwyr.

Sut byddwch chi'n cael eich cefnogi trwy gydol y diploma?

Nid yw'r diploma yn ymwneud ag ennill cymhwyster newydd yn unig, bydd hefyd yn eich helpu i fod y Swyddog Carchar gorau y gallwch fod. Byddwch hefyd yn cwrdd â'ch hyfforddwr a'ch rheolwr llinell yn rheolaidd trwy gydol cyfnod y cwrs.'

A oes raid i mi wisgo gwisg unffurf?

Oes, byddwch yn cael gwisg unffurf i'w gwisgo.

